



Broj: 03/1-50-14-7-27/16

Sarajevo, 20.5.2016.

**PREDMET:** Informacija o učešću članova Zajedničke komisije za odbranu i sigurnost BiH u radu Devetog strateškog političko-vojnog seminara o temi: „Izazovi primjene Strategije i Akcionog plana za borbu protiv korupcije“, 18. i 19. 5.2016.

U radu Devetog strateškog političko-vojnog seminara o temi: „Izazovi primjene Strategije i Akcionog plana za borbu protiv korupcije“, koji je održan 18. i 19. 5.2016. u Sarajevu, u organizaciji Ministarstva odbrane BiH, Zajedničkog štaba OSBiH i Misije OSCE-a u BiH, učestvovali su: Sifet Podžić, predsjedavajući, Hazim Rančić, član Zajedničke komisije, Boško Šiljegović, parlamentarni vojni povjerenik, i Željko Grubešić, stručni savjetnik u Uredu sekretara Zajedničke komisije.

Seminaru su prisustvovali zamjenici ministra odbrane BiH Boris Jerinić i Sead Jusić, zamjenici načelnika ZŠOSBiH generalmajori Mirko Tepšić i Senad Mašović, zamjenik direktora Agencije za prevenciju korupcije i koordinaciju borbe protiv korupcije Dragan Slipac, komandant Štaba NATO-a u BiH brigadni general Giselle M. Wilz, komandant EUFOR-a u BiH generalmajor Friedrich Schrötter, šef Vojnopolitičkog ureda u Misiji OSCE-a u BiH Michael Delacruz, kao i drugi međunarodni i domaći predstavnici i zvaničnici.

Sifet Podžić, Hazim Rančić i Boško Šiljegović obratili su se učesnicima seminara i prezentirali rad Zajedničke komisije i Ureda parlamentarnog vojnog povjerenika BiH u praćenju stanja u odbrambenom sektoru. Sifet Podžić i Hazim Rančić istakli su da članovi Zajedničke komisije za odbranu i sigurnost BiH prate stanje u odbrambenom sektoru te da im je stalo da se aktuelni problemi rješavaju. Naglasio je da su članovi ZK upoznati sa strategijom Vijeća ministara BiH za period 2015.-2019. i Akcionim planom za njeno provođenje. Upoznati su i s planom integriteta i borbe protiv korupcije Ministarstva odbrane BiH. Pozvao je Ministarstvo odbrane BiH i Oružane snage BiH u cjelini da, u saradnji s NATO-om, istraju na provođenju izuzetno korisnog dokumenta pod nazivom: „Samoprocjena izgradnje integriteta - Izvještaj o kolegijalnoj ocjeni Bosne i Hercegovine“ iz augusta 2014. godine. U toj studiji obrađena su brojna pitanja koja su vrlo ilustrativan vodič u borbi protiv korupcije. Govori se o politici za borbu protiv korupcije u odbrani i sigurnosti, o personalu, školavanju, obuci, planiranju i budžetu.

Učesnicima seminara su se u uvodnom dijelu obratili zamjenik ministra odbrane BiH za upravljanje resursima Boris Jerinić, zamjenik načelnika ZŠOSBiH za operacije generalmajor Mirko Tepšić te šef Vojnopolitičkog ureda u Misiji OSCE-a u BiH Michael Delacruz.

Osim predstavnika MOBiH i OSBiH, Agencije za prevenciju korupcije i koordinaciju borbe protiv korupcije, Misije OSCE-a, nevladinih organizacija, akademske zajednice u Bosni i Hercegovini, na ovom seminaru učestvovali su i predstavnici Štaba NATO-a, EUFOR-a i predstavnici SR Njemačke, Crne Gore, Republike Hrvatske i Republike Srbije.

Predstavnici MOBiH predstavili su Plan integriteta i borbe protiv korupcije Ministarstva odbrane BiH za period 2015.-2019., dok je Agencija za prevenciju korupcije i koordinaciju borbe protiv korupcije prezentirala Strategiju za borbu protiv korupcije Vijeća ministara BiH za period 2015.-2019. i Akcioni plan za njeno provođenje.

U okviru dvodnevnog seminara održana su predavanja, paneli i rad u grupama u kojima su utvrđeni nedostaci u postojećim propisima te su izrađene preporuke za sve nivoe odbrambenog sektora. Seminar je rezultirao zaključcima i preporukama za unapređenje borbe protiv korupcije u odbrambenom sektoru.

Predsjedavajući Zajedničke komisije

**Sifet Podžić**

**Dostavljeno:**

- naslovu
- a/a